



AN COIMISIÚN
EORPACH

An Bhruiséil, 14.3.2018
COM(2018) 252 final

ANNEXES 1 to 4

IARSCRÍBHINNÍ

a ghabhann le

**Togra le haghaidh Rialachán ó Pharlaimint na hEorpa agus ón gComhairle
lena leasaítear Rialachán (CE) Uimh. 810/2009 lena mbunaítear Cód Comhphobail
maidir le Víosaí (Cód Víosaí)**

{SWD(2018) 77 final} - {SWD(2018) 78 final}

IARSCRÍBHINN I

“IARSCRÍBHINN I

Foirm iarratais chomhchuibhithe

Iarratas ar Víosa Schengen

Tá an fhoirm iarratais seo saor in aisce



Ní líonfaidh baill teaghlaigh saoránach de AE, de LEE ná de CH fearainn 21, 22, 30, 31 agus 32 (marcáilte le *).

Ba cheart fearainn 1-3 a chomhlánú de réir na sonraí sa doiciméad taistil.

1. Sloinne (Ainm teaghlaigh)				ÚSÁID OIFIGIÚIL AMHÁIN Dáta an iarratais:	
2. Sloinne breithe (Thugtaí ainm(neacha) teaghlaigh air roimhe seo)				Uimhir an iarratais ar víosa	
3. Céadainm (céadainmneacha) (Ainm (ainmneacha) baiste)				Áit ar cuireadh isteach an t-iarratas	
4. Dáta breithe (lá-mí-bliain)	5. Áit bhreithe	6. Tír bhreithe	7. Náisiúntacht i láthair na huaire	☐ Ambasáid/consalacht ☐ Soláthraí seirbhíse ☐ Idirghabhálaí ☐ Teorainn (Ainm): ☐ Eile	
8. Gnéas ☐ Fireann ☐ Baineann		9. Stádas sibhialta ☐ Singil ☐ Pósta ☐ Páirtnéireacht Chláraithe ☐ Scartha ☐ Colscartha ☐ Baintreach mná nó fir ☐ Eile (sonraigh, le do thoil):		Comhad á láimhseáil ag: Doiciméid tacaíochta: ☐ Doiciméad taistil ☐ Cóir mhaireachtála ☐ Cuireadh ☐ Árachas Liachta Taistil ☐ Modh iompair ☐ Eile:	
10. Údarás tuismitheora/caomhnóir dleathach: Sloinne, céadainm, seoladh (murab ionann agus seoladh an iarratasóra), uimhir theileafóin, seoladh ríomhphoist, agus náisiúntacht					
11. Uimhir aitheantais náisiúnta, más infheidhme					
15. Uimhir an doiciméid taistil	16. Dáta eisiúna	17. Bailí go dtí	18. Arna eisiúint ag (<u>an tír</u>)	Cinneadh: ☐ Víosa diúltaithe ☐ Víosa eisithe: ☐ A ☐ C ☐ Víosa ag a bhfuil bailíocht chríoachach teoranta ☐ Bailí: Bailí ó Go dtí	
12. Sonraí pearsanta an bhaill teaghlaigh ar saoránach de AE, de LEE nó de CH é					
Sloinne		Céadainm/Céadainmneacha			
Dáta breithe	Náisiúntacht	Uimhir an doiciméid taistil nó an chárta aitheantais			
13. Gaol teaghlaigh le saoránach de AE, de LEE nó de CH ☐ céile ☐ leanbh ☐ garpháiste... ☐ sinsear cleithiúnach ☐ Páirtnéireacht Chláraithe ☐ eile					
14. Cén cineál doiciméid taistil atá agat ☐ Gnáthphas ☐ Pas taidhleoireachta ☐ Pas seirbhíse ☐ Pas oifigiúil ☐ Pas speisialta ☐ Doiciméad taistil eile (sonraigh)					

¹ Ní gá lógó i gcás na hIorua, na hÍoslainne, Lichtinstéin ná na hEilvéise.

19. Seoladh baile agus seoladh ríomhphoist an iarratasóra		Uimhir nó uimhreacha teileafóin
20. An bhfuil cónaí ort i dtír nach í tír na náisiúntachta atá agat i láthair na huaire í ☐ Níl ☐ Tá. Cead cónaithe nó a choibhéis Uimh. Bailí go dtí		
*21. Slí bheatha faoi láthair		
* 22. Fostóir agus seoladh agus uimhir theileafóin an fhostóra. I gcás mac léinn, ainm agus seoladh na hinstiúide oideachais		
23. (...) Cuspóir(i) an turais: ☐ Turasóireacht... ☐ Gnó... ☐ Cuairt ar do mhuintir nó ar chairde ... ☐ Cultúr ... ☐ Spórt ☐ Cuairt oifigiúil ☐ Cúiseanna leighis ☐ Staidéar ☐ Idirthuras aerfoirt ... ☐ Eile (sonraigh):		
24. Eolas breise nó cuspóir na cuairte:		
25. Ballstát (Ballstáit) is príomhcheann scríbe (agus Ballstáit eile is cinn scríbe eile, más infheidhme)	26. Ballstát an chéad dul isteach	
27. An líon uaireanta a n-iarrtar dul isteach ☐ Dul isteach aonuaire ☐ Dul isteach iolrach Fad na cuairte atá beartaithe (sonraigh an líon laethanta): An dáta a mbeartaítear limistéar Schengen a shroicheadh: An dáta a mbeartaítear imeacht as limistéar Schengen:		
28. Bailíodh méarloirg cheana chun críche iarratas ar víosa Schengen nó ar <u>[víosa chamchuairte]</u> ☐ Bailíodh ☐ Níor bailíodh. Dáta, más eol Uimhir an ghreamáin víosa, más eol		
29. Cead dul isteach don tír dheireanach is ceann scríbe, i gcás inarb infheidhme Arna eisiúint ag Bailí ó go dtí		
* 30. Sloinne agus céadainm an duine nó na ndaoine sa Bhallstát nó sna Ballstáit a thug an cuireadh. Murab infheidhme, tabhair ainm an óstáin nó na n-óstán nó na cóiríochta sealadaí sa Bhallstát nó sna Ballstáit		
Seoladh agus seoladh ríomhphoist an duine nó na ndaoine a thug an cuireadh/an óstáin nó na n-óstán/an lóistín shealadaigh nó na lóistíní sealadacha	Teileafón agus facs	
*31. Ainm agus seoladh na cuideachta/na heagraíochta a thug cuireadh duit	Teileafón agus facs na cuideachta/na heagraíochta	
Sloinne, céadainm, seoladh, teileafón, facs, agus seoladh ríomhphoist an teagmhálaí sa chuideachta nó san eagraíocht		
Tuigim nach n-aisíocfar an táille ar an víosa má dhiúltaítear an t-iarratas ar víosa.		

*32. Cé a íocfaidh na costais taistil agus maireachtála i rith chuairt an iarratasóra?	
☐ an t-iarratasóir féin Cóir chothaithe ☐ Airgead tirim ☐ Seiceanna taistil ☐ Cárta creidmheasa ☐ Cóiríocht réamhíochta ☐ Iompar réamhíochta ☐ Eile (sonraigh)	☐ urraitheoir (óstach, cuideachta, eagraíocht), sonraigh ☐ dá dtagraítear i bhfearann 32 nó i bhfearann 33 ☐ eile (sonraigh, le do thoil) Cóir chothaithe ☐ Airgead tirim ☐ Cóiríocht a chuirtear ar fáil ☐ Na costais uile i rith na tréimhse fanachta á gclúdach ☐ Iompar réamhíochta ☐ Eile (sonraigh, le do thoil)
Tuigim nach n-aisíofar an táille ar an víosa má dhiúltaítear an t-iarratas ar víosa.	
Beidh an méid thíos infheidhme i gcás ina ndéanfar iarratas ar víosa dul isteach iolrach: Tuigim gur gá dom árachas liachta taistil cuí a bheith agam le haghaidh mo chéad chuairte agus aon chuairteanna ina dhiaidh sin ar chríoch na mBallstát.	
Is eol dom an méid seo a leanas agus glacaim leis: tá bailiú na sonraí is gá a thabhairt san fhoirm iarratais seo agus glacadh mo ghrianghraif agus, más infheidhme, glacadh méarlorg ina gcuid éigeantach den scrúdú ar an iarratas ar víosa; agus déanfar aon sonraí a bhaineann liom atá le feiceáil ar an bhfoirm iarratais ar víosa, chomh maith le mo mhéarloirg agus mo ghrianghraf a chur ar fáil d'údarais ábhartha na mBallstát agus próiseálfaidh na húdarais sin iad, chun cinneadh a dhéanamh maidir le m'iarratas ar víosa. Déanfar na sonraí sin chomh maith le sonraí maidir leis an gcinneadh a glacfar faoi m'iarratas, nó maidir le cinneadh faoi cibé acu a dhéanfar víosa a eisíodh a neamhniú, a chúlghairm nó a fhadú a chur isteach sa Chóras Faisnéise Víosaí (VIS) agus a stóráil ann go ceann uastréimhse cúig bliana, agus lena linn sin beidh rochtain orthu ag na húdarais víosa atá inniúil ar sheiceálacha ar víosaí a dhéanamh ag na teorainneacha seachtracha agus laistigh de na Ballstáit, agus ag na húdarais inimirce agus tearmainn sna Ballstáit chun a fhóru an bhfuil na coinníollacha do dhul isteach dleathach ar chríoch na mBallstát, d'fhanacht agus do chónaí ar chríoch na mBallstát á gcomhlíonadh, chun daoine a shainaithint nach gcomhlíonann na coinníollacha seo nó nach gcomhlíonann a thuilleadh iad, agus chun iarratas ar thearmann a scrúdú agus chun an fhreagracht as an scrúdú sin a chinneadh. Ar choinníollacha áirithe beidh fáil ag údarais ainmnithe sna Ballstáit agus ag Europol ar na sonraí freisin chun cionta sceimhlitheoireachta agus cionta tromchúiseacha coiriúla eile a chosc, a bhrath agus a imscrúdú. Seo a leanas údarás an Bhallstáit atá freagrach as na sonraí a phróiseáil: [(.....)]. Is eol dom go bhfuil sé de cheart agam go gcuirfí ar an eolas mé, in aon cheann de na Ballstáit, faoi na sonraí a bhaineann liom atá ar taifead in VIS agus faoin mBallstát a tharchuir na sonraí sin, agus iarratas a dhéanamh go gceartófaí aon sonraí a bhaineann liom nach bhfuil cruinn agus go scriosfaí aon sonraí a taifeadadh go mídhleathach. Ar iarratas sainráite uaim, cuirfidh an t-údarás consalach a bhfuil m'iarratas á phróiseáil aige in iúl dom an bealach a bhféadfaidh mé an ceart atá agam a fheidhmiú chun na sonraí pearsanta a bhaineann liom a sheiceáil agus chun iad a fháil ceartaithe nó scriosta, lena n-áirítear na réitigh ghaolmhara atá ann i gcomhréir le dlí náisiúnta an Bhallstáit lena mbaineann. Éistfidh údarás maoirseachta náisiúnta an Bhallstáit sin [sonraí teagmhála:] le héilimh a bhaineann le cosaint sonraí pearsanta. Dearbhaím go bhfuil na sonraí uile atá tugtha agam cruinn agus iomlán a mhéid is eol dom. Tuigim go mbeidh sé de thoradh ar aon ráiteas bréagach go ndiúltófar m'iarratas nó go neamhneofar víosa a eisíodh cheana agus go bhféadfaí mé a ionchúiseamh faoi dhlí an Bhallstáit atá ag déileáil leis an iarratas. Geallaim go bhféadfaidh mé críoch na mBallstát sula rachaidh an víosa in éag, má thugtar dom í. Cuireadh in iúl dom nach bhfuil i víosa a bheith agam ach ceann amháin de na réamhriachtanais le haghaidh dul isteach i gcríoch Eorpach na mBallstát. Ní hionann víosa a bheith faighte agam agus mé a bheith i dteideal cúitimh mura gcomhlíonfaidh mé forálacha ábhartha Airteagal 6(1) de Rialachán (AE) Uimh. 2016/399 (Cód Teorainneacha Schengen) agus go ndiúltófar cead isteach dom dá réir sin. Déanfar na réamhriachtanais le haghaidh dul isteach a sheiceáil arís tráth an dul isteach i gcríoch Eorpach na mBallstát.	
Áit agus dáta	Síniú (síniú an údarais tuismitheora/an chaomhnóra dhleathaigh, más infheidhme):

“

IARSCRÍBHINN II

“IARSCRÍBHINN V

LIOSTA DE CHEADANNA CÓNAITHE A THUGANN TEIDEAL DO NA SEALBHÓIRÍ IDIRTHURAS A DHÉANAMH TRÍ AERFOIRT NA mBALLSTÁT GAN É A BHEITH DE CHEANGAL ORTHU VÍOSA IDIRTHURAS AERFOIRT A BHEITH INA SEILBH

ANDÓRA:

- Autorització temporal (cead inimirce sealadach – uaine).
- Autorització temporal per a treballadors d’empreses estrangeres (cead inimirce sealadach d’fhostaithe fiontar ón gcoigríoch – uaine).
- Autorització residència i treball (cead cónaithe agus oibre) – uaine).
- Autorització residència i treball del personal d’ensenyament (cead cónaithe agus oibre d’fhoireann teagaisc – uaine).
- Autorització temporal per estudis o per recerca (cead inimirce sealadach chun críocha staidéir nó taighde – uaine).
- Autorització temporal en pràctiques formatives (cead inimirce sealadach chun críocha intéirneachtaí agus tréimhsí oiliúna – uaine).
- Autorització residència (cead cónaithe – uaine).

CEANADA:

- Cárta buanchónaitheora (PR).
- Doiciméad Taistil Buanchónaitheora (PRTD).

AN tSEAPÁIN:

- Cárta cónaithe.

SAN MAIRÍNE:

- Permesso di soggiorno ordinario (bailí ar feadh bliana, féadfar é a athnuachan ar an dáta éaga).
- Ceadanna cónaithe speisialta ar na cúiseanna seo a leanas (bailí ar feadh bliana, agus in-athnuaithe ar an dáta éaga): freastal ar ollscoil, spórt, cúram sláinte, cúiseanna creidimh, daoine atá ag obair mar altráí in ospidéal phoiblí, feidhmeanna taidhleoireachta, aontíos céileachais, cead do mhionaoisigh, cúiseanna daonnúla, cead tuismitheora.
- Ceadanna séasúracha agus sealadacha (bailí ar feadh aon mhí dhéag, féadfar é a athnuachan ar an dáta éaga).

- Cárta aitheantais a eisítear do dhaoine a bhfuil áit chónaithe oifigiúil “residenza” acu i San Mairiné (bailí go ceann cúig bliana).

STÁIT AONTAITHE MHEIRICEÁ:

- Víosá inimirce bhailí nach bhfuil imithe in éag.
- Féadfar í a fhormhuiniú ag calafort an teachta isteach mar fhianaise shealadach cónaithe, a fhad is atáthar ag feitheamh ar sholáthar cárta I-551.
- Foirm I-551 (Cárta Buanchónaitheora) bhailí, nach bhfuil imithe in éag.
- Féadfaidh sé bheith bailí ar feadh tréimhse suas le dhá bhliain nó deich mbliana – ag brath ar aicme an ligin isteach.
- Mura bhfuil aon dáta éagtha ar an gcárta, tá an cárta bailí don taisteal.
- Foirm I-327 bhailí nach bhfuil imithe in éag (Cead dul isteach an athuair).
- Foirm I-571 bhailí nach bhfuil imithe in éag (Doiciméad Taistil Dídeanaí a formhuiníodh mar “Buanchónaitheoir Eachtrannach”).”

IARSCRÍBHINN III

“IARSCRÍBHINN VI



FOIRM CHAIGHDEÁNACH CHUN FÓGRA A THABHAIRT FAOIN BHFORAS AR A BHFUIL VÍOSA Á DIÚLTÚ, Á NEAMHNIÚ NÓ Á CÚLGHAIRM

DIÚLTÚ/NEAMHNIÚ/CÚLGHAIRM VÍOSA

A _____, a chara,

☐ Tá Ambasáid/Ard-Chonsalacht/Consalacht [nó údarás inniúil eile] _____
in _____;

☐ Tá [Údarás inniúil eile] _____;

☐ Tá na húdaráis atá freagrach as seiceálacha a dhéanamh ar dhaoine ag

tar éis

☐ scrúdú a dhéanamh ar d'iarratas ar víosa;

☐ scrúdú a dhéanamh ar do víosa, darb uimhir: _____, a eisíodh: _____
[dáta/mí/bliain].

☐ Rinneadh an víosa a dhiúltú ☐ Rinneadh an víosa a neamhniú ☐ Rinneadh an víosa
a chúlghairm

Is ar an gcúis/na cúiseanna seo a leanas a rinneadh an cinneadh:

1. ☐ cuireadh isteach doiciméad bréagach/góchumtha/brionnaithe
2. ☐ níor léiríodh go raibh call le cuspóir ná cúinsí na cuairte a
bhí beartaithe
3. ☐ níor chuir tú cruthúnas ar fáil go mbeadh cóir mhaireachtála chuí agat i rith
na cuairte a bhí beartaithe agat nó don turas abhaile chuig do thír thionscnaimh
nó chuig an tír ina bhfuil cónaí ort, nó don idirthuras chuig tríú tír a bhfuil sé
deimhnitheach go ligfear isteach tú
4. ☐ níor chuir tú cruthúnas ar fáil go bhfuil tú in ann cóir mhaireachtála chuí a fháil
go dleathach don chuairt atá beartaithe agat nó don turas abhaile chuig do thír
thionscnaimh nó chuig an tír ina bhfuil cónaí ort, nó don idirthuras chuig tríú
tír a bhfuil sé deimhnitheach go ligfear isteach tú.

5. ☐ tá tú tar éis fanacht 90 lá cheana féin i rith na tréimhse reatha 180 lá ar Chríoch na mBallstát ar bhonn víosa aonfhoirmeach nó ar bhonn víosa a bhfuil bailíocht chríochach theoranta aici
6. ☐ tá foláireamh eisithe ag (*sonraigh an Ballstát*) i gCóras Faisnéise Schengen (SIS) chun cead isteach a dhiúltú
7. ☐ measann ceann amháin nó níos mó de na Ballstáit gur bagairt don bheartas poiblí nó don tslándáil inmheánach
tú: (*sonraigh an Ballstát/na Ballstáit*)
8. ☐ measann ceann amháin nó níos mó de na Ballstáit gur bagairt tú don tsláinte phoiblí faoi mar a shainmhínítear sin in Airteagal 2(19) de Rialachán (CE) Uimh. 562/2006 (Cód Teorainneacha Schengen):
..... (*sonraigh an Ballstát/na Ballstáit*)
9. ☐ measann ceann amháin nó níos mó de na Ballstáit gur bagairt tú dá chaidreamh idirnáisiúnta/dá gcaidrimh idirnáisiúnta: (*sonraigh an Ballstát/na Ballstáit*)
10. ☐ ní iontaofa a bhí an fhaisnéis a cuireadh isteach lena léiriú go raibh call le cuspóir agus cúinsí na cuairte a beartaíodh
11. ☐ tá amhras réasúnach ann i dtaobh a iontaofa atá na ráitis arna ndéanamh **maidir le.....** (*sonraigh*)
12. ☐ tá amhras réasúnach ann i dtaobh a iontaofa is atá siad, i dtaobh bharántúlacht na ndoiciméad tacaíochta a cuireadh isteach nó i dtaobh fhírinneacht a bhfuil iontu
13. ☐ níorbh fhéidir a dhéanamh amach go raibh sé de rún agat críoch na mBallstát a fhágáil sula rachadh an víosa in éag
14. ☐ níor cuireadh cruthúnas cuí ar fáil nach raibh ar do chumas iarratas a dhéanamh ar víosa roimh ré, rud a léireodh go raibh call le d'iarratas ar víosa a dhéanamh ag an teorainn
15. ☐ níor léiríodh go raibh call le cuspóir ná cúinsí an idirthurais aerfoirt a bhí beartaithe
16. ☐ níor chuir tú cruthúnas ar fáil ar árachas liachta taistil bailí cuí a bheith agat
17. ☐ d'iarr sealbhóir an víosa go ndéanfaí í a chúlghairm.

Barúlacha breise:

Féadfaidh tú achomharc a dhéanamh in aghaidh an chinnidh víosa a dhiúltú/a neamhniú/a chúlghairm.

Tá na rialacha maidir le hachomharc in aghaidh víosa a dhiúltú/a neamhniú/a chúlghairm leagtha amach in: (*tagairt don dlí náisiúnta*):

An t-údarás inniúil ar féidir achomharc a thaisceadh leis: *(teagmháil)*:

.....

Tá faisnéis faoin nós imeachta atá le leanúint ar fáil ag: *(teagmháil)*:

.....

Ní mór nós imeachta achomhairc a thaisceadh laistigh de: *(teorainn ama)*:

.....

Dáta agus stampa na hambasáide/na hard-chonsalachta/na consalachta/na n-údarás atá freagrach as seiceálacha a dhéanamh ar dhaoine/na n-údarás inniúil eile:

Síniú an duine lena mbaineann:”

IARSCRÍBHINN IV

“IARSCRÍBHINN X

LIOSTA DE NA CEANGLAIS ÍOSTA A ÁIREOFAR SAN IONSTRAIM DLÍ I GCÁS COMHOIBRIÚ LE SOLÁTHRAITHE SEIRBHÍSE SEACHTRACHA

A. Déanfar an méid seo a leanas leis an ionstraim dlí:

- (a) na tascanna atá le déanamh ag an soláthraí seirbhíse seachtrach a liostú, i gcomhréir le hAirteagal 43(6) den Rialachán seo;
- (b) na suíomhanna a chur in iúl ina bhfuil an soláthraí seirbhíse seachtrach le feidhmiú chomh maith leis an gconsalachta lena mbaineann an t-ionad iarratais aonair;
- (c) na seirbhísí a chumhdaítear leis an táille éigeantach seirbhíse a liostú
- (d) treoir a thabhairt don soláthraí seirbhíse é a chur in iúl don phobal go gcumhdaítear seirbhísí roghnacha le táillí eile.

B. Maidir le feidhmiú a ghníomhaíochtaí, déanfaidh an soláthraí seirbhíse seachtrach an méid seo a leanas maidir le cosaint sonraí:

- (a) áiritheoidh sé nach ndéanfar sonraí a léamh, a chóipeáil, a mhodhnú ná a scriosadh go neamhúdaraith aon tráth, agus go háirithe le linn do na sonraí sin a bheith á dtarchur chuig misean taidhleoireachta nó chuig post consalach an Bhallstáit nó na mBallstát atá inniúil i leith phróiseáil an iarratais;
- (b) i gcomhréir leis na treoracha a gheofar ón mBallstát nó ó na Ballstáit lena mbaineann, tarchuirfidh sé na sonraí,
 - go leictreonach, i bhfoirm chriptithe, nó
 - go fisiciúil, i slí dhaingnithe;
- (c) tarchuirfidh sé na sonraí a luaithé agus is féidir:
 - i gcás sonraí a tharchuirfear go fisiciúil, ar a laghad uair amháin sa tseachtain;
 - i gcás sonraí criptithe a tharchuirfear go leictreonach, faoi dheireadh an lae a bhailítear iad, ar a dhéanaí;
 - áiritheoidh sé modh iomchuí le comhaid iarratais aonair a rianú chuig an gconsalachta agus uaithi.
- (d) scriosfaidh sé na sonraí cúig lá tar éis iad a bheith tarchurtha agus áiritheoidh sé nach bhféadfar aon sonraí a choinneáil seachas ainm agus sonraí teagmhála an iarratasóra chun críocha coinní a shocrú, mar aon le huimhir an phas, go dtí go dtabharfar an pas ar ais don iarratasóir, agus go scriosfar na sonraí sin cúig lá ina dhiaidh sin;
- (e) áiritheoidh sé go nglacfar gach beart slándála is gá, idir bhearta teicniúla agus eagraíochtúla, chun sonraí pearsanta a chosaint ar scriosadh, bíodh sé neamhdhleathach nó de thaisme, nó ar chailliúint de thaisme, ar athrú, ar nochtadh gan údarás nó ar rochtain gan údarás, go háirithe má bhaineann an comhar le tarchur comhad agus sonraí chuig misean taidhleoireachta nó post consalach an Bhallstáit nó na mBallstát lena mbaineann, agus chun iad a chosaint ar phróiseáil neamhdhleathach de gach cineál eile;

- (f) próiseálfaidh sé na sonraí chun sonraí pearsanta iarratasóirí ar víosaí a phróiseáil thar ceann an Bhallstáit nó na mBallstát lena mbaineann, agus chun na críche sin amháin;
- (g) caighdeáin um chosaint sonraí, a bheidh coibhéiseach ar a laghad leis na cinn atá leagtha amach i Rialachán (AE) 2016/679² a chur i bhfeidhm;
- (h) déanfaidh sé an fhaisnéis a cheanglaítear de bhun Airteagal 37 de Rialachán (CE) Uimh. 767/2008 a chur ar fáil d'iarratasóirí.

C. Maidir le feidhmiú a ghníomhaíochtaí, déanfaidh an soláthraí seirbhíse seachtrach an méid seo a leanas maidir le hiompar na foirne:

- (a) áiritheoidh sé go bhfuil an fhoireann oilte mar is iomchuí;
- (b) áiritheoidh sé go ndéanfaidh an fhoireann na nithe seo a leanas agus a ndualgais á gcomhlíonadh acu:
 - go gcuirfidh sí fáilte chúirtéiseach roimh iarratasóirí,
 - go n-urramóidh sí dínit agus sláine na n-iarratasóirí, nach ndéanfaidh sí leatrom ar dhaoine ar bhonn gnéis, bunadh ciníoch ná eitneach, reiligiún ná creideamh, aois ná claonadh gnéis, agus
 - go n-urramóidh sí na rialacha rúndachta, a mbeidh feidhm leo chomh maith nuair a fhágfaidh na baill foirne a bpost agus tar éis don ionstraim dlí a bheith curtha ar fionraí nó tar éis di a bheith foirceanta;
- (c) soláthróidh sé i gcónaí sonraí aitheantais na mball foirne a bheidh ag obair don soláthraí seirbhíse seachtrach;
- (d) cruthóidh sé nach bhfuil taifid choiriúla ag aon duine den fhoireann agus go bhfuil an saineolas is gá acu;

D. Maidir le fíorú a dhéanamh ar fheidhmiú a ghníomhaíochtaí, déanfaidh an soláthraí seirbhíse seachtrach an méid seo a leanas:

- (a) gan fógra a bheith faighte roimh ré, tabharfaidh sé cead isteach ar a áitreabh i gcónaí do bhaill foirne a bhfuil cead rochtana tugtha dóibh ag an mBallstát nó ag na Ballstáit lena mbaineann, go háirithe chun críocha cigireachta;
- (b) áiritheoidh sé go bhféadfar cianrochtain a fháil ar a chóras coinní, chun críocha cigireachta;
- (c) áiritheoidh sé go n-úsáidfear na modhanna ábhartha faireacháin (e.g. iarratasóirí tástála; ceamara gréasáin);
- (d) áiritheoidh sé go mbeidh rochtain ag **údarás náisiúnta cosanta sonraí an Bhallstáit** ar chruthúnas maidir le comhlíonadh na rialacha um chosaint sonraí, lena n-áirítear oibleagáidí maidir le tuairisciú, iniúchtaí seachtracha agus spotseiceálacha tráthrialta;
- (e) cuirfidh sé tuarascáil i scríbhinn chuig an mBallstát nó na Ballstáit lena mbaineann gan mhoill faoi aon sárú ar shlándáil nó faoi aon ghearáin ó iarratasóirí maidir le mí-úsáid sonraí nó rochtain neamhúdaraíthe, agus oibreoidh sé i gcomhar

² Rialachán (AE) 2016/679 ó Pharlaimint na hEorpa agus ón gComhairle an 27 Aibreán 2016 maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin, agus lena n-aisghairtear Treoir 95/46/CE (An Rialachán Ginearálta maidir le Cosaint Sonraí) IO L 119, 4.5.2016, lch. 1.

leis an mBallstát nó na Ballstáit lena mbaineann chun teacht ar réiteach, agus tabharfaidh sé freagairt mhínitheach gan mhoill ar na hiarratasóirí a dhéanfaidh gearán.

E. Maidir leis na ceanglais ghinearálta, déanfaidh an soláthraí seirbhíse seachtrach an méid seo a leanas:

- (a) gníomhóidh sé faoi threoracha an Bhallstáit nó na mBallstát atá inniúil ar an iarratas a phróiseáil;
- (b) glacfaidh sé bearta iomchuí frith-éilithe (e.g. forálacha maidir le híocaíocht na foirne; comhar maidir le roghnú na mball foirne le haghaidh an chúraim; riail na beirte; prionsabal na huainíochta);
- (c) urramóidh sé go huile agus go hiomlán forálacha na hionstraime dlí, a mbeidh clásal fionraí nó clásal maidir le foirceannadh inti, go háirithe má sháraítear na rialacha atá leagtha síos, mar aon le clásal maidir le hathbhreithniú d'fhonn a áirithiú gur léiriú ar an dea-chleachtas é an ionstraim dlí.”